



Saksframlegg

Sakshandsamar:	Kultur og mangfald			Linda Judith Svidal Nordås	
Avgjerslemynde:		Arkivnr.:	21/528	Klassering:	

Løypemelding KDP Idrett og fysisk aktivitet

Rådmannen sitt framlegg til vedtak:
Løypemeldinga vert teke til etterretning.

Saksopplysningar:

Ny KDP Idrett og fysisk aktivitet er under arbeid. Arbeidsgruppa ynskjer med dette å gje ein tilbakemelding om status ihht framdriftsplan, svar planen skal gje svar på (jf planprogram), andre problemstillingar som har kome til undervegs samt orientering om medverknadsmogelegheiter til kunnskapsgrunnlag og handlingsplanar.

Status ihht framdriftsplan

Vi held per i dag framdriftsplanen, der ein ser for seg vedtak på siste HS-møte før jul 22. Det er små marginar, og vi ser at det skal lite til før vi blir forsinka. Vi ber difor HS-styret vere førebudd på at eksisterande plan kan måtte bli forlenga i fb rullering av handlingsprogrammet for tildeling av spelemidlar for 2023.

Planprogrammet

Mål i planprogrammet	Status
Godkjent KDP idrett og fysisk aktivitet	Overordna mål: I rute
Innbyggjarane i Osterøy kommune har reelle mogelegheiter for å utøve organiserte og uorganiserte idretts- og friluftslivsaktivitetar kvar dag	Overordna mål: I rute.
Oversyn over - nærmiljøanlegg, ordinære anlegg og kartlagde friluftsområde - kva anlegg som finnes og kva som er planlagt i næraste framtid - kva type anlegg Osterøy treng i planperioden, og kvar disse anlegga bør ligge - Status på friluftsområde	I rute. Kartleggingsbrev gjekk ut til lag og organisasjonar i starten av mars, med svarfrist 31.03. Bearbeiding av svar kan bli tidkrevjande, og det kan bli nødvendig med purring. Dette kan bli ein faktor som gjer at framdriftsplanen blir utfordrande å halde.
Kartlegging og verdsetting av friluftsområde	Fullført 31.12.21. Neste steg er «Friluftslivets ferdselsårer», som handlar om å kartfeste ferdselsårer og tilrettelegging disse har for ulike typar brukargrupper. Det er ikkje kapasitet i organisasjonen til å gjere dette arbeidet utan å

	styrke organisasjonen med ein idretts- og friluftslivskonsulent.
Tilhøvet mellom kommunen og lag/organisasjonar med tanke på eigarforhold, driftsansvar m.m. der kommunen eig grunnen	Arbeidet med kunnskapsgrunnlaget har avdekket at Osterøy kommune har lovbrøt mtp idretts- og anleggsfeltet. Disse lovbrøta går i korte trekk ut på at vi ikkje har det nødvendige oversynet over anlegga som står på grunn som Osterøy kommune eig. Leigekontrakten med laga som driftar anlegga bør bli gått gjennom og oppdatert. Det er ikkje kapasitet i administrasjonen til å starte på dette arbeidet utan å styrke organisasjonen med ein idretts- og friluftslivskonsulent.

Andre problemstillingar som har kome til undervegs

Under arbeidet med planen har ordinær drift ført til at andre problemstillingar har kome til overflata. Disse blir handtert fortløpande, men det blir teke mål av at ein skal ta stilling til følgjande spørsmål på prinsipielt grunnlag i planen:

Problemstilling	Status
Planperiode	Planprogrammet tok ikkje stilling til planperiode. Rådmannen foreslår planperioden 2023 – 2027.
Tilskot til anleggsutvikling over investeringsbudsjettet	Behov for å lage retningslinjer og kriterium for kven som skal ha tilskot som er tydelege og føreseieleg. Tilskota blir nå søkt om og innvilga/avslått 4 – 5 år før eventuell utbetaling. Dette skapar utfordringar i arbeidet med investeringsbudsjettet.
Prioriteringar i handlingsprogrammet for tildeling av spelemlidar	Planen bør legge fram kriterium for prioritering mellom ulike anlegg i handlingsprogrammet.
Forholdet mellom KDP idrett og fysisk aktivitet og ein KDP for Kultur og frivilligheit.	Under utforminga av planprogrammet vart det vurdert om ein skulle lage ein samla plan for idrett, fysisk aktivitet, kultur og frivilligheit. Dette var ei løysing ein gjekk bort frå. Under arbeidet med planen har ein sett at det hadde vore hensiktsmessig. Det er ikkje hensiktsmessig å endre planen sitt overordna mål på dette tidspunktet i prosessen. Rådmannen vurderer heller at ein bør starte revidering av denne planen i god tid før den er tenkt å gå ut i 2027, og då inkludere kultur- og frivilligheita i planen. Denne løysinga vil ikkje medføre at ein KDP for kultur og frivilligheit blir utsett, då dette ikkje er ein del av noverande planstrategi.
Ulike handlingsprogram	Denne planen vil mest truleg ende opp i to ulike handlingsplanar: - Handlingsprogram for tildeling av spelemlidar - Handlingsdel for deltaking i idrett og fysisk aktivitet.

	Dette er fordi fylket krev eit eige handlingsprogram for tildeling av spelemidlar. Vi bør i tillegg ha ein plan for andre tiltak som ikkje fell inn under spelemiddelordninga.
Definisjon av «nærmiljø»	Planen bør drøfte korleis vi forstår omgrepet «nærmiljø»; er dette knytta til bygd, kommunal skulekrets eller andre forståingar?

Medverknadsmoglegheiter

Planen legg opp til følgjande medverknadsmoglegheiter:

Medverknad/innspelsmoglegheit	Status
Samskapingsmøter i samarbeid med MED Osterøy i alle bygder der Osterøy kommune driv barneskule. Desse møta bygger på ein verdibasert tilnærming der mogelegheit for å auke fysisk aktivitet er inngangsport.	I rute: 4 møter som skal vere fullført 28.03.22
Innsamling av informasjon om idrettsanlegg (ordinære anlegg og nærmiljøanlegg), status ang medlemstal i idrettslaga, og informasjon om stadar der det vert utført eigenorganisert aktivitet (friluftsliv, ballbinger og anna fysisk aktivitet).	I rute: Brev vart sendt ut med rundt 4 veker svarfrist. Kan bli nødvendig med purringar. Mottakar av brevet er idrettslag, grendaråd, helselag, BOF, Osterøy turlag og andre lag og organisasjonar. Svarfrist er innan påske.
Mogelegheit for innspel for nye anlegg/større kapasitet.	Må vurderast om det er behov for basert på kunnskapen som vert henta inn i punktet ovanfor.
Barn og unge sin medverknad i planarbeidet	Planprogrammet legg opp til å nytte det digitale kartverktøyet «Barnetråkk» for å kartlegge barn og unge sitt rørslemønster og opphaldsplassar. Planavdelinga legg opp til at denne vert gjennomført i mai/juni. Planen bør kople på barn og unge der vi ser at vi ikkje får tilbakemeldingar via andre metodar, for å få kunnskap om aktivitetar dei saknar eller ønskjer betre tilrettelegging for.
Ulike råd og utval	<i>Ungdomsrådet:</i> Har fått munnleg og skrifteleg orientering og mogelegheit til medverknad både i forbindelse med planprogrammet og i forbindelse med oppstart av samskapingsmøte. Vil få løypemeldinga til orientering. <i>Råd for eldre/Råd for personar med nedsett funksjonsevne:</i> Fekk planprogram til uttale. Avtalt orienteringsmøte med representantar frå administrasjonen 30.03.22, basert på denne løypemeldinga. <i>Idrettsrådet:</i> Avtalt deltaking på styremøte 20.04.22. <i>Kulturråd:</i> Arbeidar med å opprette dette. Dato for stiftingsmøte er satt til 30.05.22. Forslag til vedtekter til drøfting i styrene er på veg ut.

Vurdering

Planarbeidet er per i dag i rute, men det er små forstyrningar som skal til før vi får utfordringar med å halde framdriftsplanen. Vi har kontroll på arbeidet med tanke på planprogrammet, men det har kome til ein del nye spørsmål som planen òg bør ta stilling til.

Medverknadsmoglegheiter skjer både fysisk og skrifteleg. Vi har nybrottsarbeid for medverknad i samarbeid med MED Osterøy. Noko forsinka i arbeidet med å kople på skular og barnehagar, jf Barnetråkk. Diverse råd har fått orienteringar, eller det er avtalt orienteringsmøte.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost